

人而亦無指摘者似難處之故議之多端今當如何若有指摘者奚計殞命而不訊之乎此獄事甚難其議啓○以尚震為議政府右贊成李濯為司憲府大司憲羅允明為執義慶渾白仁英為掌令李澤為持平○日暈兩珥冠白氣如環貫日夜南方異方乾方有氣如火○壬辰領議政尹啟輔議各行次通事等濫賣銀兩販鬻物貨以致生事辱及於國在所窮推得實明示國法以為後來赴京下人之戒但事繫一罪寧殞杖下必不輸情事未得實而人多殞命恐虧恤刑之義果如 聖教其中受公質頭頭通事為先加刑其餘觀其辭逮加訊似當主事所錄物貨除公質之數餘皆分徵各人則亦足以懲戒然奸細射利之徒各傾所儲充納其數苟免刑訊以圖後日赴京之利恐不懲戒左議政洪彥弼議今段獄事無專指者泛因泛推人多辭繫得實甚難但譚人等乘國禁近弛賁持禁物太濫太肆見發於主事損辱國體甚矣嚴懲大戒實在今日須加刑訊一以示國戒三以懲奸細以防後日之弊主事所錄物貨不須分徵右